

DER BURM AS HÒT ÒLBE GABRUMPLT

Hintn an groasn griseth stoa'

a schbòrzes vi schaukt se omadum, gònz aloa'.

De bèlt va untn ist prope groas
ont ouber de pa'm bos bèrt s hom, ber boas.

Der òrm Whiskey, an schbòrzn burm
hòt se zouchen en de dru', af en sai' vurm.

Ar hòt gahòp a schea'na familia,
a baib ont a kloa's birmbl, de Ottilia.

Ober er ist nèt vroat gaben za miasn krobln òlbe en de dru',
s hat en pfölln zan mindrestn stea' af masu', abia der Lulù, der hu'.

Òll to hòt er gabrumplt ver en gònze lòn!

„I pin òlbe en pourn, nia as koa' bòn! »

An to, de tocher, stuf za hearn òlbe de glaiche gschicht
hòt en kein “probiar za gea' kan inger kine, der sèll znicht znicht!”

vrog en bes ar de lòk probiarn za kemmen an hu' ver a zait
ver za ziachen der vort der doi gait“.

Asou der Whiskey ist gòngen kan kine, hòt galisnt de tochter,
ar hòt galept en an gortn hintn en moaster.

Lòksom lòksom hòt er an pittet za meing probiarn
za sai' an ònders vi ont meing spaziarn.

Alura der kine pet a zauber en an moment
hòt gabèckslt der burm en an hu' za mòchen an kontent.
Der Whiskey ist araus kemmen van gortn ont pet an hupf
kan hennen ist er gòngen ont en Lulù hòt er gem an schupf!

Ober men boas as en an hennenstòll schöfft lai an hu'
ont der Whiskey hòt gaborven der Lulù en de dru'.

S lem abia hu' ist schea' gaben ver en burm
ober er ist nou nèt zavrln gaben en sèll vurm.

S hat en pfòlln vludern ouber an iatn spitz
kurln, krobln ont aro gahasse kemmen abia an plitz.
An groasn hennenvougl baret s schea' za meing sai'
ont de sèlln hennen za èssen ver tschai'.

Alura der òlt burm ist gòngen bider kan kine
bavai za sai' an hu' ist gaben nou za bea'ne.

Der kine van birm nou a vòrt vanait
hòt en nogem en sai' vrait.

Der burm no en sèll zauber hòt gamecht vludern gònz hoa
va oum sechen de hennen, de birm ont de gònz boa.

Der himbl ober ist groas ont men sicht nea'met ver vil zait,
s oa'zege ist gea' za vinnen de hennen, ver gait.

Klòffen pet nea'met ont miasn vludern anau on ano
ist longbaile gaben za miasn tea' òll to.

Er hòt gabellt bider de sai' familia
s sai' baib ont de tochter Ottilia.

Asou ver en leiste vòrt ist er gòngen kan groas burm
bavai ar hòt verstònne as ist pesser zaruck kearn en sai' turm.

Der kine ist stuf gaben va òlla de sèlln bècksln
ont hòt tsòk en Whiskey as er hat nea'mer gamòcht hècksn

Ver en leiste vòrt ist er bider umkeart
za sechen de bèlt va untn en de eart !

gònz vroa der Whiskey ist der gòngen en sai' haus
ober de sai' familia pazaitn ist kemmen gaborven aus
van an ònder burm as hòt ganommen plòtz sem
ont de Ottilia ont sai' mama hom gamiast bècksln lem.

Asou der burm hòt tsbunnen za gea' en hennenstöll
ober hennen hòt s koa'na gahòp ont en sai' plòtz vludern iberòll
bavai benn as der Whiskey hòt pfudert hoa
der Lulu ist nea'mer gaben ont van hennen ist plim nanket a poa'.
Asou der òrm burm ist se pfuntn bider aloa'
ont gònz loade hòt er se versteckt hintn an stoa'.
De doi gschicht mòcht verstea' as en lem
mias men sai' vroat va sèll as men hòt dernem
s ist pesser sai' zavrìn pet sèll as de bèlt gept
de doi ist de richtege rezept!
Ber za vil bill hom
trokt nicht en grom.

